

稷山縣志

72703

第八册

藝文下詩

稷山縣志卷之十

藝文下 詩撰著總目附

國朝

楊公去思碑記

平陽同知 錢茂秦 慈谿人

順治十一年歲在甲午七月既望余自烏延貳於平水郡郡屬三十有四至之日羣長咸集吾鄉姚君敬輿以稷山旅而進寒濫竟詢及吾寧波府楊九春翁異之曰何為其然也曰楊公前是為稷山令仁入人深人思不忘遇浙人必詢嘗語以浙之郡十許須屬稷山縣志

卷之十

藝文下

一

彼寧波者然後詳今獲藉以傳副士若民望亦緣也顧余庚寅春辭家就烏延整整程半萬年五閱家書且抵金不恒有若未遑及吾公祖政蹟然者何以為士若民道無已見稷言稷亦可夫稷一時若是思之曷不同其後世知之稷一邑果若是知之曷不并宰是邑者與聞之於以見明德在人必不歇沒而稷人民之有情其久且篤也當文以壽諸石曰非不欲之謂其阿唇齒好奈何曰不然余文焉民石焉君董焉不於其為稷之日而於其為寧波之日乃所謂去思

也爰爲之節畧成韻俾可比於古之詩歌舜者故猶
是晉地也其道途口碑以俱遠矣其韻言曰繫我稷
之再康兮繇就燁而出湯其纍若而視兒女行兮又
去之於天一方攀轅不得以膚忘兮徧所思憑風揚
思將終身之穰兮疇南晦以峙糗思御祈寒之裳兮
疇變海以盡桑思照屋之逃亡兮疇光明而致我首
邱於鄉思田原每每其蕪而滄兮疇築爲圃場思呻
吟與痰瘡兮疇復其常而車牛負擔樂急公競輸之
倉思夜無犬嗥民不慌犗兮疇撫字焉如傷思少者

稷山縣志

卷之十

藝文下

二

習牛犢之在佩而尙遠於縹緗兮疇掖而躋諸千仞
之墻思富方穀之未興兮疇且暮親炙其耿光徧所
思憑風揚浩浩乎天與之元地與黃標百世史而傳
芳子子孫孫而昌兮繼序其皇公號九春諱之柄登
順天己卯榜良鄉其錦里也

紀吳伯宗尋弟事

大學士 李光地 安溪人

吳伯宗山西稷山縣民弱歲喪父母兩弟俱幼相依
一日其少者忽失去伯宗訪求數年未得其次者忽
又失去伯宗哀切不能已遠近尋覓稍有音問則以

負販爲名不憚千里庶幾得之後其少者得之都中
爲高姓人僕高遇之頗厚且感其兄之義謂之曰吾
爲子善撫以待子方求次弟有行來時可併歸也時
已微聞其次之信乃在寧古塔將軍所部下寧古塔
者北去遼陽盛京數千里爛胛天明墜指裂膚之地
國家所以處罪人也伯宗慨然與其季別曰吾得仲
則偕返不返則併吾之妻子屬子矣舊都郊關出入
有禁限伯宗率以計達至則跡其弟果在也赴將軍
訟之使部下將領質焉中間伯宗忽躍起不跪將領
怒而撲之血被面伯宗徐曰民非敢與官抗適見畧
吾弟者奴吾弟者皆王法不宥之人也美衣胡平立
官側民弟良家子爲奸人誘掠萬里投命官不急明
其寃而以罪囚相待俯伏詰訊民是以不服將領意
悟且懼其還返閭籲白之將軍而歸之自出關至入
歷三時其在寧古塔正冬月節候極寒足凍盡見骨
兄弟相扶數日行冰雪中僵仆幾不能起嗚呼其懇
勤可書也李子曰兄弟相失相求人情之常非高行
也自俗化之衰倫理日薄兄弟尤甚及父之存而有

尤闖不相能者逮乎同氣而分富則競財產貧則計
錙銖妻子奪之外人間之漸而陌路不如故哀原隰
急患難者聖人猶以爲情之至而系之經也伯宗之
求弟久而篤勞而決及其出關訣季之言則之死而
不怨人盡伯宗世豈有手足相忘之事哉伯宗頗識
字嘗於旅店讀論語至父母之年則歔歔哭失聲嗚
呼小宛之哀興於明發能友者未有不厚於孝者也
伯宗雖農民在京師相國澤州陳公高其誼旣與爲
禮又爲詩七十六韵以歌之縉紳士友多就見之者
稷山縣志

卷之十

藝文下

四

夫農之秀則升爲士古之制也冀缺茅容路側耕夫
以內行之敦爲有道者別識卒爲賢臣名士青史顯
焉余誠未知伯宗志質何如然願伯宗自此永昆弟
之好無使異日鄉之人曰昔之求之如此其勤也而
後乃稍衰且曰兄之念之如此其至也而弟乃不類
則雖未澤於詩書文以禮樂而使鄉黨嘉尚以終始
宅里之表王政其舍諸

烈女葉葉小傳

學正

張

垣

邑人

烈女葉葉先慈朱孺人之從婢也以其來自舅家姓

氏里居皆無從考自幼侍先慈小心勤謹從無違誤先慈頗憐惜之葉葉長余數歲余多疾先慈以撐持內政常付之提攜先慈見背余才六歲耳繼母裴孺人以家務不遑顧而婢之提攜愈謹也猶憶其下衣當膝處多補綴皆余所踏穿者雖極困憊亦未嘗有怨恚色余或寒暑失調卽旁皇不寧必告知外祖母馬宜人蓋宜人因先慈棄余早常憫其孤婢卽以宜人之心爲心也先大人嘗稱之曰此婢若爲男子必以忠義著年及笄遭甲申兵變余家避亂北山婢以

稷山縣志

卷之十

藝文下

五

無人守舍輒力任之不可強遂聽之焉九月一日賊自北敗歸大肆殺掠山中聞信先大人卽嘆曰此婢休矣逾數日視之廬舍依然而婢已不復見訪之隣人或言其罵賊而奔血流被面繼得其屍於西隣王氏井中已經數日顏色如生時禍亂方離驚鴻未定權瘞城東園中嗚呼大亂之時闔城男女慘殺者難更僕數然其間偷生苟免保全軀命者未嘗無人葉葉一婢女耳何知大義苟其委頓藏匿未必遂至殞生乃視死如歸寧爲玉碎決不瓦全直與井底寒泉

同其凜冽此豈尋常巾幗中所易得者哉余嘉其節烈久欲招魂改葬豎碑以誌其事乃數十年來偃蹇名場又或寄迹異地於先大人在時未嘗訪知埋櫬之處今余老矣使令其幽芳勁節湮沒不聞於心終屬歎然因述其死節始末勒爲小傳藏之於家以俟有心者之採擇云

焦公生祠記

翰林

田嘉穀

澤州人

寧夏焦公治稷嚴而民畏之去之日相率爲祠祀而祝之不啻與人欲嗣僑大夫然昔僑之相鄭釋寬用

稷山縣志

卷之十

藝文下

六

猛至稽其語子太叔則云爲政用寬難其次莫若猛火烈人避之水懦人溺之夫子曰古之遺愛也夫稷地瘠民力穡輕商賈歲賦所征輒取之於新粟竟有鬻斗粟而不博數文錢者無已則請貸豪富而子母之錢至鬻妻折子公廉其狀約以三時輸夏征十之三秋輸十之三冬徂報完以爲例且刻限均輸納不令刁抗者得計其輸納俱聽花戶自封額外無羨金監收者不得干以故百姓擁治門而爭輸摩肩錯趾轟轟聲若雷行者停車嘆以曾未覩也往稷有敝俗

締黨健訟兩造之金矢不可得率聽命於猾胥訟不能直而家已蕩甚至解衣連騎鷹犬食人鄉之人畏若虎焉公取其好訟者曉之可以自平者聽之必欲結者令訟者各署牒以攝兩造片言剖析有若神明無情者朴而釋之一錢不贖也向之諸猾橫者不復與其事率歛跡去鄉人婦有經年不見青衣虎視者矣歲在龍蛇稷大禩公泣下沾襟集父老謀救荒之策分數十厰煮粥存活以萬計舊稷學宮自明倫堂後坑陷尊經一閣化爲塵土公爲築土二丈建閣五楹連得雋者數人公治嚴而行方賦材敏穎智慮精審民到於今受其賜卽謂古遺愛不讓焉向令公治不嚴以致黷而生亂是驕稷民而益之敗也誰其思之而誰其祀之公諱浴字傲盤寧夏人以明經擢令稷山陞潞安府同知

采蘭社序

縣令

姚延啓

烏程人

稷邑去郡將二百里前臨汾流後倚藐姑谿徑紆折行者盤桓而入幾不知有邑城也民恃稼穡以田疇土瘠壤賦僅居中下其俗尚疎簡質不好華縟則淫

巧侈靡之習無從而入民風猶爲近古邑雖貧尙稱
易治余性不喜飾而生平才力又無可爲濟飾之具
者庶幾以拙自安則不惟稷之士風似余卽稷之山
川陵谷其澹朴夷遠之致亦大率似余也故令稷兩
載猶若不自知爲稷之令者每晨起裁決不刻餘事
畢錢穀訟獄付之里甲不煩追呼而閭無逋課案無
畱牘政清刑簡時和年豐與二三父老鼓哺而歌帝
力可矣勸農墾荒稍稍已有成效獨子弟之秀者尙
狃於樸邀無親師取友之助以開發其智慧孤陋寡

稷山縣志

卷之十

藝文下

八

聞實怒怒焉至稷之始進多士而祝之曰古之名公
卿有戴經荷鋤者皆起自田間力學不輟卒成崑門
名家諸君子並澤莪之選也玉而礪諸金而錯諸忝
一日之雅謬推社祭酒以爲諸君子先多士唯唯於
是采蘭之會少長畢集童弗抱研而至每月一課以
十題爲率不中程者罰執經送難者趾相錯也諸生
類貧窶不能多致新書或醵錢購得一房牘卽持以
示余余爲甲乙而標識之諸生傳爲抄誦故其文近
多新藻幽香襲人若蘭馨蕙馥者皆經余所品題而

月旦幾幾乎問字之屨晨滿戶外篝燈之讀冬徧國中矣稷既可以無事余又不喜使之有事一庭寂然門可羅雀止以醇樸導民以風雅造士稷之編民幾乎忘邑之有令也其爲士者謬相親愛以余爲里塾之師藹然先生弟子之誼則又幾幾乎忘余之爲令也余旣自梓其文以示諸君子而又重念稷士之社若其腹笥筆采光芒百變而歸諸醇雅有典謨之遺軌焉余藉手是文稍浣俗吏之誚有榮施矣是刻也邑孝廉鄭君領袖壇坫其制作名世自當不脛而走四方亟登之篇首以爲國書增重學博閔君反覆讐訂殫厥苦心共得文如千首文致固自不一要皆披華見質不屑爲浮靡淫巧之習此稷之人文所以犁然近古而余以邑令陶泳其間左縈而右拂之亦猶夫行古之道云爾

姚公去思碑記

縣令

畢際有

淄川人

公之蒞茲土也僉謂經營慘淡具有苦心稷之人食其福矣而余以爲稷之福余之大幸也曷言之前者任勞後者任逸盤根錯節擘劃盡致公何其勞高山

仰止景行行止余何其逸也余旣以公享其逸稷人
士思公者欲立石乞言垂久余方將揚挖前徽又何
可辭嘗觀西漢多循良而稱去後思者惟汜鄉何武
武在漢吏中摘發不及廣漢治辨不如敞所居無赫
赫名當其旣久摘發治辨者皆與其人俱往而武獨
見思蓋人無不可以媚獨不能以心媚人人無不可
要人獨不能要人以其思稽公善政如撫流亡安反
側清審編平徵收建魁樓立蘭社文運丕新遂有捷
南宮者至於表姚貞女之閭式景廣文之廬物色梁
稷山縣志

卷之十

藝文下

十

生珙之德行文章種種美意不可枚舉然大畧才生
於誠謨出於靜苦心本成曠懷多方行以無事故稷
人士於公始至歡然道之已習而安之旣去而悵然
思之浸久未艾也由是以觀要耶媚耶且今吏道之
雜也久矣彼惟名譽是先故庭中稱治野則否上官
稱賢民則否當官稱惠去則否公何去畱無殊致始
終靡異情非公能使人思而公不能使人不思也赫
赫奚足爲史稱何武仁厚當其爲郡吏識者以爲宰
相器公自令而給諫皆與武合而其器深廣萬頃不

撓亦復似之蓋士必安凝如山澗泓如淵然後得以
享盛名而載重任如公者真其人哉先是稷賦額經
亂舛謬公給諫後上章釐正皆報可公不靳澤於去
後稷安得忘德於從前於是紳衿倡之兆民起而和
之者千百數非公深仁烏能致此余對之不無形穢
之嘆云公諱延啓字敬輿浙江烏程之世家登順治
丁亥進士初任縣尹擢工科給事中

重建奎樓記

教授 鄭 恂 邑人

文廟前折東數武級而升雉堞爲奎樓憑高眺遠形

稷山縣志

卷之十

藝文下

十一

家謂有所翕納爲斯文佑其來舊矣歷年所浸圯一
朝傾塌學博劉君對之惻然乞靈邑侯爲光復舉維
時雪川姚侯方任事育才興文畱心頽壁遂得請相
與程期計費庀材鳩工爰勅衿長者碩爲之董勸凡
閱六月而落成崇基傑構跂如翬如復巋然卓樓城
端夫物之成毀有時而成者由人事之興廢在人而
興者因時藉令樓刼難不當此時與當此時而不當
姚劉兩公之經始諸賢之贊襄况也永嘆嗟何及矣
今毀輒成之廢輒興之以云人與時會時至事起者

非乎得革爲景新之象營定叶允臧之謨奎光映射
遙岑浩流秀氣成采如在簷楹顧諟間宜乎乘風氣
之先者騰踏天衢際運會之盛者絡繹皇路雲蒸霞
變景靈攸啓不其大文章之觀增廟貌之勝也耶劉
君屬予文勒石子謏陋安所謂雕龍也者謹直疏日
月並任事姓名如後然則兩公之時之人何如也

五里舖創建石橋記

鄭恂

年來修建遍邑域而倩不佞爲懲慝予或不知知靡
不與有明軒趙居士者每輒從事居士蓋樂施好善

稷山縣志

卷之十

藝文下

三

人也一日詣予言橋梁眼見功德向嘗爲橋於龍王
溝矣又嘗爲橋於澗東矣徒者負者騎者輿者莫不
往來履坦有夷之行已維邑東五里舖其衝繁淤陷
不減二橋之棘急而不彗不割失此罔恤謂利濟何
將接壘爲梁二所是其夙志且追溯其先志所未逮
而畱詒以望若逮之者顧予嘗過五里舖繁逼汾流
一徑仄曲稷祖絳孔道也馬壁峪別派暨晉家峪下
流俱滙汾每霖潦暴漲汾流北嚙二水南奔川怒以
溢洄霍無歲無之行者悲望洋蔥厲涉焉居士之發

心橋功有以哉頃之橋成徒者負者騎且與者亦猶前之履坦夷行也工謀計者蔑或計之疎樂施予者鮮不給之施居士誠好善樂施者乎時邑令孟侯方以勸旌賢善爲務廉居士行協輿論具白二千石二千石嘉之檄顏其門一鄉善士邑及學校亦匾旌如府於是學博邑丞慕以及薦紳衿者若干人咸式廬賀居士曰若者之善以性也茲橋功也能承先也能使流俗競勸而慕義無窮也是可以風隨有稱觴者有繪其狀者有題詩揄揚者盛名烏奔爲善之榮一

稷山縣志

卷之十

藝文下

三

至此予都休哉居士子諸生連城貴重必亢若宗以符善應裕後光前詎不亶然居士慮橋工費浩乞予言行募未幾罷霜叅拮据獨立維艱寃以有成也當今之世如居士者可多得與居士諱某號明軒橋當馬壁峪流一晉家峪流一伐石累砌匝以石欄於某年某月考落予故特表而出之以見公之樂施好善此其一端云

新建文昌閣記

鄭恂

予讀史記天官書斗爲帝車運於中央臨制四鄉斗

魁戴匡六星曰文昌宮初未有神主之也迨梓潼降
乩七十二化修悖予奪始有文昌帝君之名神主之
矣抑未有陰陽向背聳貴據秀之說也乃堪輿家奉
此爲玉律金科而儒者復屏絕不道然楚邱之什望
景觀卜又胡以稱焉緬穰先葉珥貂乘軒者絡繹如
雲而官不中丞富不萬石當時已爲風氣咎於今搏
空之翮六月息者浸五六年所而一發其爲風氣何
如孟公令穰四載德被政成課人文覽方與遴穰之
所以盛而之衰與其所以衰而之盛而屬意於風氣

穰山縣志

卷之十

藝文下

十四

蓋公固天地人之學堪輿其緒餘也因晉庠士借箸
焉僉謀以眞武廟青龍閣貲爲主費紳衿捐輸以佐
不足迄勿令絲粒費閭左擇多士幹辦清操者何星
監裴金章張焯然鄭有章鄭惺裴宸翰劉衍漢梁廷
撰何其古馬胤秀薛餘慶史灼史焄董其後於是度
邑之巽築臺三十六尺週以短垣類戴匡星宮位矣
構層樓其上祀文昌梓潼帝君神居奠矣巽峰峻起
涵照類宮貴秀峙矣不寧惟是蘆泉一線南引散潦
公捐廉俸市地穿渠陂而注之臺側滿則洩流滙碧

水入汾水法尤詳矣肇某年某月至某年月考落爰命七社搗鼓賽神如春社狀社人曉然於天章作人之舉率作興事之勤編言颺祝相繼並進雖聲情俚野要以據其中所誠然顧公謙冲若谷功成不尸且謂諸士之相與以有成也夫物必慮遠而後見締造之良事必返觀而始知嘉賴之大稷之先絜獨無人而日中失時操刀失利其無益等公值姤復之交轟靈發之氣鼓奮庸之勞燭微先物細大不遺虛已博稽衆思畢集以故精神所至丞幕將之校官繼之十

稷山縣志

卷之十

藝文下

五

三士欣欣應之至勞怨罔避寒暑罔間卒俸官不費貲民不病役以獲竣茲後也居今觀昔曠世希覲哉嘗相與涉其上岬吻青雲下臨無地吁可畏乎其駭人也壞璫鴻紛豐麗博敞洞轆轤乎其無垠也若乃彤彩之飾閃爍變幻所謂霞駮雲蔚皓璧晴曜似日照丹柱欵旄而電燧者非歟已而周視環覽稷峰擁翠藐岑送青左則大河澎湃攜汾流以南下右則大行巖竄迤霍嶽而北來壯觀乎孰非文星映攝爲吾稷之竒勝乎當考落初邑無大小從公於邁予侍公

燕適丙午省元安邑王君寬觀與斯會酒酣濡頰屬
聯散珠橫錦工麗驚座一時標致不殊風送滕王夫
非始事之明瑞而方來之慶徵也耶異日者地效其
靈天翊其運人蔚其文乾坤交泰而氤氳嘉祥徵顯
而豫作冠珮蟬聯人文麟炳非惟美媿疇昔行且光
倍疇昔矣公不尸功功誰屬哉公五袴羔裘可紀者
多此其一耳敷時繹思請以今日之文臺作他年之
峴山也可

告龍王禱雨疏

縣令 顧涑初 歸安人

稷山縣志

卷之十

藝文下

六

伏以民惟邦本休戚關造化之權食爲民天雨暘望
均調之澤念此瓞瓞黎庶止是閔閔田疇顧以耔以
耘勤勞雖藉乎人力而旣庭旣碩滋培尤仰夫神功
從未有膏澤未施而茨梁在望者也茲蓋伏遇龍王
之神掌四海之洪波司九天之靈雨隆恩默被澤流
爲庶土攸關大造宏施呼吸亦斯民咸賴卽惟稷邑
久庇神威兆姓之感德靡涯千載之薦馨有自茲者
時當夏仲辰值天中麥穗將成尙冀西疇之滋息豆
禾欲穰正祈南陌之霑濡爾迺陽亢連旬空令望霓

有頽土膏莫洽試問離畢何期兼之河絕渠流孰與
濬川而漑且也井枯泉眼誰堪汲澤而耕耒耜空懸
倉箱已罄四境皇皇而無告一心怒怒以增憂涑初
奉

命今朝來守此土軫懷民困俯首自維或因政拙催
科而天昭責譴抑以恩虛撫字而歲際災氛負疚良
多抱慙實甚然藐茲下吏雖以不職罹凶嗟彼小民
其又何辜受患敬於某月日拜手藝香步壇虔告敢
干神力卽賜洪恩伏願沛長江之寸水分巨海之一
稷山縣志

卷之十

藝文下

七

波遙望姑射峰頭懸泉百尺竚看汾河水面鼓浪千
層庶幾百畝之有秋會見三農之共慶謹摠下悃仰
竇神聰伏希鑒察卽候施行

再告城隍禱雨文

顧涑初

竊惟天之愛養斯民也明則責之司牧幽則寄之神
明凡以愛養斯民之術司牧力行不周者藉有神明
爲維持而默相之故四境之內苟或田野不闢耕作
不勤獄訟日繁盜賊滋起此司牧之過也涑初所以
不得而辭其責也若夫四境之內田野闢矣耕作勤

矣刑獄省而烽烟靖矣一旦風雨不時陰陽失節以致年歲不登民人離落此則非司牧之過而神之過也茲者歲在午夏穰者麥榮者豆斯時也正靈雨望零禾稼待納之期也乃膏澤靳施者已月有旬餘矣涑初自念奉

朝廷命來牧茲土與有愛養斯民之責其能不爲之呼籲請命故前於朔之五日已草疏上聞方謂神其愛我民養我民思維持而默相我民必且軫念輿情立施膏澤而優渥霑足之休可旦夕而至也乃怒焉

稷山縣志

卷之十

藝文下

六

待命者迄今又越有十餘日矣千畝之枯槁依然百姓之憂虞如故曾未邀涓滴之賜而一爲我民解焦渴焉豈神鑒幽茫而莫覩斯民之皇皇望救耶豈天聽高高而下土之阡危神力其莫可誰何耶亦豈稷民當罹此凶災而數之無可逃者耶抑豈神之威靈欲罪此一方而置災患於若罔聞知耶嗚呼神其無知耶其有知耶以爲無知則赫赫巖威儼然享茲土之薦馨而福善禍淫者非神耶以爲有知則安有守此土職此民覩百姓之憂危若是而宴然不爲之動

念也耶今使爲司牧者任其職而不盡其事百姓有患而不知四境就荒而莫理其待之當何如也則均有愛養斯民之責者夫誰得而寬其咎乎涑初今者齋戒徒行再申雩禱與神期三日內務使膏霖遍潤甘澤滂沱庶幾惠我田疇以慰殘黎之懸望不然將涑初無以更撫茲民土恐明神亦何以長享此廟祀哉爲此佈詞再懇神其鑒之

重修儒學泮渠記

邑令 錢源龍 奉賢人

稷山縣志 卷之十 藝文下 十九 稷邑學宮櫺星門內舊有泮池引城北葫蘆泉灑迤流入故渠淹塞溷二十餘年矣予蒞稷之二三年乙亥

四月邑諸生請於予謀疏之予曰是宜急舉也爰捐俸金畚鍤循渠故道掘二尺許蜿蜒盤曲水汨汨至不一日而泮池泓然可鑑顧渠長四百五十步穿巷陌經衙署壘土兩傍雨衝易塌而市廛堆積之區闕塞尤易謀以磚甃之士覆其上可圖永久簿書旁午未竟厥工今丁丑二月邑好義士願捐費任其役而諸生之董事者必公必勤鳩工二十日磚甃完固於是泮水洋洋可無立涸之虞實學校文瀾之助也夫

修舉廢墜宰是土者之職卽大工役不足書士民好義急公有俾學校不可不書以垂後好義者何監生段克猷子生員寅董是役者廩生王喆黃璿劉登瀛閻有光而司出納之生員賀其年亦得附書焉

思文書院碑記

邑令 韋之瑗 樂會人

書院之設始自元和間李渤厥後有白鹿嶽麓睢陽嵩陽四大書院其名乃益著維時師儒道重化導訓迪之方皆出自當世大賢其所以鼓舞之成就之者胥與學校相表裏要無不以正人心變風俗爲汲汲其規則具在誠可取法也今

稷山縣志

卷之十

藝文下

二十

聖天子在上文治炳蔚禮樂之化淪浹日深自省會及郡邑莫不有學卽莫不有書院凡有司牧之責者亦各體養必兼教之意隨所在而造就之譽髦濟濟翕然向風可知爲其事未嘗無其效此三代以來之所以敦崇學校也稷山舊有義學在縣治之東南隅乃明時大守公廡爲邑長天爵朱公所改築者也其中規模雖具而堂宇迫隘門楹垣墉亦漸就頽敗且因經費無出本爲擁臯比聚絃誦之所而開棄之以

長草萊良可慨也予於紳士晉謁之次謀復此舉僉躍然樂從且曰經始固難而善後爲尤難曷若醵金權子母庶幾歲有定額官司主之出入共之自可經理於勿替倘繼是以圖更屬裒益有基雖賈洪之三閩學舍無以過此矣予謝不敏而深韙其言乃親履其地周遭營度移其向背而更之爽塏焉增構講堂樓亭若工楹齋舍庖湏畢具樹坊懸額易義學爲書院顏曰思文時諸紳士爭先樂輸共得若干金計所經費以其羨餘旋交質庫歲納息以助脩脯之資爰

稷山縣志

卷之十

藝文下

三

乃延聘名師擇俊秀之士羣處而肄業焉孔子曰十室之邑必有忠信又曰君子學道則愛人通其意以立教何莫非守土之責歟吾固知其爭自濯磨相觀益善異時必有學優行茂蔚爲國華者則誠斯邑之光也夫子故嘉邑人之急公慕義並欲永圖經久爰勒石記其顛末並書刊捐貲姓氏於碑陰庶後之覽者有可考焉

重修廟學記

韋之瑗

國家徧天下郡邑建學而立之廟所以崇聖人之道

也聖人之道其大綱在明新止至善其節目在格致
誠正修齊治平自天子至於庶人合上下而一致者
也則生聖人之後而崇聖人之道者豈以有位無位
而有異乎昔范文正公蘇州人也以其所得南園勝
地爲蘇州府學夫蘇州分隸守土其學之得與否固
有專責而文正獨舍己宅爲之何也文正做秀才時
卽以天下爲己任其後功業爛然卒爲一代偉人而
識者謂有宋理學實自文正啓之蓋治天下以得賢
才正風俗爲本而賢才恒出於學校文正爲賢才計

稷山縣志

卷之十

藝文下

三

卽不得不爲學校計施宅其細事耳然其崇聖人之
道以育賢才而厚風俗卽此亦足徵矣雖然南園之
勝舍之而其名常在視平泉佳麗一時艷之久而湮
沒無傳焉文正之與文饒其度量相去何如哉辛巳
孟夏予奉

命來宰稷土始至謁廟見大殿兩廡煥然新矣凝然
固矣而殿廡以下甃砌丹塗次第修舉詢庀材鳩工
之直則曰此署篆甘君與署教諭李君訓導張君之
經營而邑人段生父子傾貲以供其用者也予聞而

義之竊以稷邑無巨富段生之富又非甲於稷者曩
嘗獨修泮渠芹藻增香矣教諭趙君卒於官貧不能
歸爲出多金以助之今又欣然建此非知崇聖人之
道者歟茲舉也其心卽不私南園之心也擴而克之
雖格致誠正修齊治平之道胥始諸此區區小善片
長又不足爲段生限矣段生其勉乎哉是役始於仲
春考於孟夏予合僚屬諸生以落之不可不鐫石以
告來者甘君諱延年陝西平番選貢署教諭事李君
諱竹苞平定歲貢訓導張君諱成基洪洞歲貢段生
稷山縣志

卷之十

藝文下

三

名克猷子寅由附生貢太學共謀始者生員閻有光
閻德光薛孟春等督工則生員賀其年甯照離鄉者
薛上達王繼商例得備書

王曰祿新開馬壁峪山徑記

州判

李友洙

海寧人

辛巳歲余攝太平篆以公事至鄉寧山徑嶽崎往往
窘步歸返絳道出馬壁峪此卽鄉寧稷山二邑接壤
處也迤邐十餘里左右皆懸崖峻阪深壑危流而一
徑中通甚坦夷可怒馬馳騁余竊心喜焉而未知爲
誰之力也癸未冬余攝吉郡數取道於此見石碣屹

立諦視之始知爲稷山王生日祿開鑿耆老告余云
此路向稱阨塞人跡罕至自日祿去險就夷遂成坦
道不特居民採樵跣步無虞卽行旅之往來亦皆安
驅循軌而昔時所謂巉巖灌莽者一變爲冠蓋絡繹
之衝微夫人之力不至此余聞而義之夫匹夫爲善
于鄉雖事屬細微亦當錄之以爲風俗勸矧日祿鑿
山通道利我行人其功蓋尤溥哉卽此推之則日祿
生平好義更可想其大略矣余雖未見日祿而有善
必揚亦官斯上者之責也爰爲之記

稷山縣志

卷之十

藝文下

三

重修文廟碑記

教諭

武錫九

交城人

承思文陳常之舊守魏俗勤儉之風其禮教信義未
盡泯也根本固矣而姑射峙於北汾水遶其南屏以
土岡磅礴而鬱積地勢之盛又如此生其間者澤躬
爾雅明體達用如邑先達之文章事功永綿於勿替
豈不甚盛廼求之而未嘗見也且非獨不獲見此卽
邑之科目亦屬寥寥豈山川之靈淑有時而或息與
抑或古聖王教澤之遺與習俗之厚流及旣衰與而
皆不任受也夫風俗成於人心人心定於所向忠信

廉節伊誰弗好無以動之相狃於積習而安之矣而感人心以易風俗則斷自學校始

國家道一風同郡邑州縣同弗立學設官以董率之凡以人心之危微胥係乎此也稷之學宮不蔽風雨歷有年所余下車卽不自安與余友香谷褚司訓有臭味焉而明府洪公深知大體首捐廉俸爲一邑倡同學諸君子踴躍爭先又有解馬羅高諸同人經營區畫費少而功多於是兩廡戟門以及前之圍牆歲歷四載煥然一新是舉也豈特重祀典肅觀瞻已哉

稷山縣志

卷之十

藝文下

五

蓋將培植其本根而振作其志氣使知人克儉而地乃靈然後觀之於釋菜以悟夫禮樂器數之遺觀之於飲射以習夫揖讓謙遜之節約之於

聖諭廣訓以砥其廉隅而養其德性則立教有地向道有方庶幾人才日出以上繼夫諸前輩道德勳名之盛而處則爲名儒出則爲名臣樂觀德化之成山川靈秀之氣今何必異於古所云也行卽以今日之振興卜之也諸君子各啟乃心毋安故習以深副余望焉是則區區之心也夫

重修杜工部讀書臺記

知縣 張應辰 臨汝人

丙子中春予因公赴小杜村東臯崖畔翼然有亭傳
爲少陵先生讀書臺憑臨矚目林木蔚然棟宇猶舊
碑碣無存考公年譜雖芳躅遍寰區惟三晉不概見
然誦公集有憶昔北訪小有洞洪河怒濤過輕舸懷
韋大夫之晉悽愴郇瑕邑差池弱冠年丈人叨禮數
文律早周旋韋杜本稱尺五其奉韋爲先進髫齡嗜
學早卓犖爲河東之遊其明徵也今郇瑕去稷咫尺
想訪古故絳流盼高京琴書暫憇嘯歌寄情故老之
稷山縣志

卷之十

藝文下

三

傳聞亦安可盡非耶時余網羅散軼編緝縣史矧此
名蹟允足爲山城生色遂欣然採入流寓以補年譜
所未及尤復構而新之題爲杜陵書院所以述先賢
名來學也並誌之以詩

勝蹟邨名杜文星舊暫栖亭高錦里宅樹壓浣花溪
碧蠹遺牆字冥鴻印雪泥青山磨片石惟我有留題

稷山縣志卷之十

藝文詩

唐

酬張九齡當塗界畱贈之作

文獻公

裴耀卿

邑人

茂先實王佐仲舉信時英氣覩衝天發人將下榻迎
珪符肅有命江國遠徂征九派期方越千鈞或所輕
高帆出風迥孤嶼入雲平遡邁嗟予役離憂空自情
飭簪陪早歲接壤厠專城曠別心彌軫宏規義轉傾
徒然限饑渴况乃諷瑤瓊

稷山縣志

卷之十

藝文詩

金

寄陳正叔

尚書

趙秉文

滄陽人

渺渺西風去翼輕長林風葉動秋聲嵩邛競秀容多
可河洛交流忌獨清廣武山川迷故壘成臯草木闕
空城憑高一掬英雄淚寄與窮途阮步兵

送雷御史希顏罷官南歸

御史

陳

規

邑人

五事前陳志拂劇屹如砥柱閱頽波一麾共惜延年
去三黜何傷柳季和連蹇仕途如我老激昂衰俗在
君多扁舟南去知難戀萬頃煙波一釣簑

過驪山

陳規

豐鎬無由問，故基三章止。見黍離詩，而今多少華清石。都與行人刻艷辭。

贈陳司諫正叔

御史雷淵
渾源人

洗兵有志挽天河，補袞剛留諫諍坡。賦出石腸還婉麗，政成鐵面却中和。寒侵桃李淒無色，雪壓池塘慘不波。急手尊前謀一醉，六街塵土浣人多。

寄陳正叔雷希顏

劉光謙

東南形勝古徐州，人物休評第幾流。落落陳雷天下

稷山縣志

卷之十

藝文詩

二

士故應連榻卧黃樓

陳子正容安堂

進士段成已
邑人

陳子少英邁，逸氣不可挫。典型肖乃翁，出語輒驚座。

行止非所能，造物聽掀簸。功名鷹在鞬，歲月蟻旋磨。

區區一邑中，十載供史課。結廬慕淵明，志向有許大。

澹墨寫形似，終日相對坐。一室足我容，百念付慵惰。

青山隱檐楹，流水出其左。植花數十叢，種竹千百箇。

事來若機張，事去如甕墮。浩然方寸閒，不受一塵污。

豈無二仲賢，閒暇日相過。有酒相獻酬，有詩互賡和。

溪山入笑談珠玉霏咳唾徜徉天地間一物莫非我
醉來語更真卿去我將卧主人正高枕山鳥莫啼破

題梁氏靜樂室

段成已

攘攘區中人役心名與利於身竟何有乾沒不少置
叔敬有耳孫犖犖與時異一官不肯覓閒居養高志
築室塵境中中有塵外意方其厭囂湫歸來行少暨
牀頭一卷書淨洗紛華累苟能樂其樂寧復事吾事
見客不吝情有酒卽成醉爲問東華塵何如北窓睡
清風吹我懷萬事覺無味誰知方寸間自有清涼地

稷山縣志

卷之十

藝文詩

三

吾兄同仲堅採鷺鷥藤於午芹之東溪因詠詩
見示前代詩人未嘗聞賦此者此花長於田
野籬落間人視之與草芥無異是詩一出好
事者將知所貴矣感嘆之餘敬次其韻有與
我同志繼而述之不亦懿乎 段成已

微雨灑郊垆百卉欣並育幽花發溪側間錯金珠簇
徐看是鷺鷥藤香味濃可掬忍饑出新句大笑負此腹
遺落榛莽間采擷誰見蓄情知無俗姿安能悅衆目
先生日來往東溪路應熟一經品題餘姓字耀巖谷

遇合良有時不才異山木

呂氏用靜齋

段成己

兩岸夾嵯峨一水中委蛇是間有高人靜與山林期
結茅並溪石故跡司空遺因山愛其山佳處應自知
心間境隨勝眼靜山增竒寥寥丈室中日用夫何爲
不書咄咄事高談休休詞無人書一編有興酒數卮
便是一生了安問著與龜依依中條雲夢想紫芝眉
昨朝寄書至謂我來何時急營買山錢已覺從君遲
他年兩繩床分忍西山饑

稷山縣志

卷之十

藝文詩

四

蒲城董公余素不識其何如人也一日袖橫軸
所謂龍窩圖者同仲堅見過而以詩見謁余
雅不能文詩尤非所長加之老病日久縱不
避拙惡亦安能爲他人推肝腎邪渠請益堅
余重違封意且念其勤苦姑因所見以叙之
云爾

段成己

封生携客來謁我蓬嵩裏軒軒亢塵俗不知誰氏子
所主我旣賢伊人亦云喜探懷出新圖一語煩舉似
蹇余不能文三請意未已溪山有素期入眼盡其美

層雲蔽重淵萬木夾兩溪飛流瀉絕壑千丈垂幅紙
餘霏散如霧點滴亂紛委何物竅其傍相傳龍所止
廟貌寄空山何代爲經始年深祭血乾亂久誰復祀
威靈昔所聞對面隔千里誠通感必應雖遠猶在邇
巍巍窟宅尊安卧久不起何當洗甲兵倒挽幽溪水

午芹道中

段成己

渺渺江風吹葛衣愛閒長與世相違青絲步障柳千
樹碧雨屏風山四圍入眼江花如慰意近人沙鳥信
忘機虛名到此成何事一笑平生始覺非

稷山縣志

卷之十

藝文詩

五

汾水秋風

段成己

一曲劉郎發棹歌歡聲未已耐悲何只今回首空陳
迹依舊秋風捲素波

仙掌擎月

段成己

月出山頭未數竿仙人掌上玉團圓瑞光冷射三千
丈絕勝碧蓮峯下看

虞坂曉行

段成己

林外晨鷄第一聲隴頭殘月伴人行未知局促鹽車
下老驥蕭蕭又幾鳴

首陽晴雪

段成己

薇歌一曲對西山萬古清愁老翠巒望斷空巖人不
到光搖銀海玉峰間

贈師富卿

段成己

老大溪山入夢頻強憑圖畫寫情真歸與不及身強
健山有英靈恐笑人

雲中暮雨

段成己

古壘雲藏一徑微河山依舊昔人非貪徵往古興亡
事不覺城頭雨濕衣

稷山縣志

卷之十

藝文詩

六

乙巳清明遊青陽峽

京兆侯 段克己 邑人

東山氣象太猛悍萬馬駉駉來楚甸中分不肯割鴻
溝鍛礪戈矛期一戰西山折北如西漢獨餘絳灌奔
而殿誰爲劉項決雌雄賴有韓彭力相援廬溝直下
兩水合泯泯暗流通一線突爲瀑布出山口流沫成
輪浪成旋前逾百步落石甕黛蓄膏渟那敢眇沈沈
南去若白虹爲嶼爲泚互隱見鑿開混沌幾千秋世
俗雖見如不見今人雖有筆如椽爲寫佳名傳寓縣
人間佳節重清明呼兒折簡招諸彦一生能著幾兩

屐佳處每欲經行遍山靈著意勸遊人吞吐烟霞生
萬變山阿玉女跪焚香巖伴仙人一笑倩居者儼若
帝王尊劔佩雍容侍閒晏植者磊落如鉅人聚立廣
廷議封禪拱者矯矯如勇夫執戈夾祀著綦弁平灘
淺瀨乍可揭溪路曲隨峰勢轉葛屨偏宜苔蘚滑行
襟時被薔薇宵當面烟嵐舞翠蛟出岫閒雲飄素練
羣行不復事拘檢眼正明時脚還倦班荆共坐溪上
石粗糝濁醪具時饌良辰無奈夕陽催飛觴正要清
歌薦醒心况復有寒泉玉池遍返成三噓三分春色
穆山縣志

卷之十

藝文詩

七

二分休風外飛花時一片古人行樂欲及時半百之
年猶掣電惟有愛山緣未斷夢寐孱顏添健羨一窮
到骨不自知虛負胸中書萬卷謾向山邨老却人生
來不識荊州面肝膽槎牙須酒澆顧我非狂亦非狷
紛紛世無眞是非棄置從渠若秋扇歸來新月偃林
梢寂寞衡門掩深院

戊申四月遊禹門有感

段成已

黃河一線天上來兩山突兀屏風開天生聖人爲萬
世驚濤拍案鳴春雷冷雲直上三千丈石巖古廟高

崔巍斷碑歲月不可考丹青剝落空莓苔嗟予去古
蓋已遠荒詞漫汗相驚猜安居平土果誰力愚民耳
目誠可哀一聲漁笛起何處滄州雅興還悠哉

余僑居龍門十有餘年封張二子曰從余遊而
貧又甚焉因寫所懷兼簡二子共成一笑

段克己

病久慵增劇塗窮事轉迂水兼形共稿錐與地俱無
醉語勞揮塵悲歌漫叩壺鮮鮮籬下菊笑笑汝益羈孤
野步仍用韻示封張二子

段成己

稷山縣志

卷之十

藝文詩

八

散策溪頭路溪回路更迂山隨行處好人似往年無
波靜魚千里天晴春一壺龍門何限景歲晚不相孤
興上人駐錫姑射山麓他日邀余所居之靜樂

齋勉爲賦此

段克己

我愛興上人閒處先著脚雖有買山錢難尋一卮壑
向來棲息地龍象久寂寞重尋林下徑竹石若紛薄
溪水恣交流巖花自開落却掃丈室中一瓶還一盃
靜樂題其顏塵緣聊解縛寥寥千載下此理誰發藥
我今爲拈出未免一重錯有靜必有污無苦亦無樂

混沌元不死七竅剛自鑿鄭重庵中人萬法本無著
獨有太古心油然而滿寥廓

元

玉壁懷古

判官王惲

我行河東幾欲徧大抵盤回山阜轉南崖高與北山
齊玉壁城根分一綫荒烟廢壘照坏土砲具梯衝經
百戰短碑盛說鄖君靈萬騎陰風想平甸一曲悲歌
勅勒川當時神武已凄然韋公守禦儘良策更著百
升飛上天乃知誣殺咸陽日卽是邕皇入鄴年

稷山縣志

卷之十

藝文詩

九

過陳司諫墓

考試官劉祁

鸞坡鳥府舊遊空三尺孤墳野寺中猶有憂時心不
死墓門昨夜起秋風

明

姑射山

張昌

峨然姑射山中有玉洞仙脂膚若冰雪被服行蹠躡
朝餐石上芝夕飲澗中泉有時駕飛鸞飄然凌紫烟

稷山

御史俞時光州人

飛沙凌亂撲征帷朔氣遙連白虎旗水急漁舡留凍

浦山空獵網挂寒籬觀風只到羲和塚訪古還過後
稷祠聞說單于侵內郡將星不見使人悲

稷山縣行臺書懷

御史黃中
遂昌人

玉壁城孤秋寂寥稷王祠下水迢迢晴峰雲樹臨丹
壑夜塔風鈴響碧霄邊檄近憂番出戍積田久苦倍
徵苗感時空逐羲和御獻納羞稱翊聖朝

遊清涼院同梁理夫春元任汝行憲章二昆季

薛以文秀才

叅政毛愷
江山人

油菜花香僧院幽上方春日足夷猶偶逢勝友成良

稷山縣志

卷之十

藝文詩

十

會還喜名山愜遠遊浮世大千塵夢裏法身丈六翠
巖頭幾回欲叩無生學月自長明水自流

詠八景

御史宋儀望

孤城遠見稷王山悵望行雲不可攀今日吾儕憐飽
食憂時空有淚如潛

稷峰疊翠

姑射仙人去不歸雲霞綽約玉爲肌朝來轉見晴光
好欲向風塵早息機

姑射晴嵐

每懷高士隱河汾絕學千年尙有聞誰識續經心
苦空山深鎖洞前雲

文洞飛雲

早從華嶽看仙掌更入汾陽對掌峰
試向峰頭吹玉笛梅花落盡月明中

仙掌擎月

輜車轉入稷山城城畔猶傳玉壁營
戰骨祇留荒塚在蕭蕭落水盡悲聲

玉壁秋風

汾水流漸日向西孤舟人對夕陽低
那堪夢入江南路起聽征鴻中夜啼

汾水孤舟

泉流瀾漫漫平田山色遙分草樹烟
借問清光何處是飛霜應遍早梅前

甘泉春色

寒城山色晚蒼蒼蕭瑟悲風起白陽
忽向羲和陵上望猶疑圭測對斜陽

羲陵晚照

稷山縣志

卷之十

藝文詩

十一

詠八景

恭議梁綱邑人

幾從隴上頌思文濯彼溪毛擬報君
遙想精英何處所芙蓉七級掛晴暉

稷峰疊翠

姑射仙人去不歸滿山冰雪尙依微
尋仙幾度無消息獨有嵐光對夕暉

姑射晴嵐

彼美人兮䟽屬陽文星光燦少微
旁雲開洞口翻成陣散入人間片片香

文洞飛雲

仙人手掌大如箕擎出蟾宮光陸離
更待秋風飄桂

子憑君折取最高枝

仙掌擎月

城高玉壁入秋冥萬木迎霜色尙青爲是軍興千載

生教分協氣入生靈

玉壁秋風

汾流西入大河中舴艋孤飛勢轉雄待得秋風來海

上乘槎直入斗牛宮

汾水孤舟

一泓深處是龍湫水浸平沙日並流自是地靈不愛

寶故分春色照麟洲

甘泉春色

憑將甲子問眞元賴得君家歷象存却恐虞淵淹日

馭故畱雙塚照乾坤

羲陵晚照

稷山縣志

卷之十

藝文詩

三

詠八景

知縣

鄭命

邑人

峰巒南望勢嶙峋祠廟千年薦藻蘋謾詠思文追往

事幽懷還欲繪流民

稷峰疊翠

姑射神人跨鶴飛雲霞綽約尙依稀幾番欲覓眞仙

訣獨有嵐光映翠微

姑射晴嵐

門掩苔蘿不用名琴聲松韻有餘清只今洞口雲猶

在獻策何人保太平

文洞飛雲

仙人遙向紫雲端仙掌空畱素月團待等秋風凝玉

液願分金露滿金盤

仙掌擎月

玉壁城邊汾水流烟寒風冷白雲秋啼鳥似帶興亡
恨夜半啾啾舊戍樓

玉壁秋風

悠悠汾水自東來舟楫孤飛日往回贏得一竿閑歲
月不知身世是蓬萊

汾水孤舟

一泓深處是甘泉花柳霏芳艷色鮮莫道三春餘樂
事年年洒淚濕牛眠

甘泉春色

黯淡荒原望不窮斜陽古木自西風當年治歷人何
在陵墓依依晚照中

義陵晚照

登稷神山祭后稷

縣令

楊文卿

鹽山人

稷山縣志

卷之十

藝文詩

十三

后稷神功已配天荒祠自合插雲端憑高霧氣千岩
隱入洞陰雲六月寒石磴苔深人跡少山田沙重馬
蹄乾遺民愛養無良術潦倒頻年愧素殮

縣令

孫倌

安化人

后稷廟有感

古廟羣峰表粒源萬代宗壑深紅雨足岫疊翠烟濃
貨聚皆田器工通盡野農薦蘋瞻拜後仰止思何從

文中子洞

知府

王時濟

邑人

王子藏修地千年石洞牢徑幽人罕過林黑虎常號
北接黃河近西來華嶽高異時懷仰止聊爲薦溪毛

玉壁故城

王時濟

玉壁空城隱暮笳
郎君曾此建高牙
鐵騎戰後餘秋草
金鏃拾來半吐花
落日斷雲歸古堞
西風獨木噪寒鴉
當年勅勒歌猶在
眼底興亡更幾家

謁漢文帝廟

王時濟

別殿秋風裏何年
鳳蹕行天潢分代
邸玉璽入咸京
古棟丹青落巖扉
石竹傾異時臣子
禮猶若對英廟
薛萬徹廢廟

王時濟

登高一弔古葉落
滿秋山廟廢千年
後名留片石間

稷山縣志

卷之十

藝文詩

十四

頽垣餘鳥跡剝瓦
剩苔斑蘋藻知誰
薦閒雲自往還
過平隴二段故居

王時濟

策馬過平坂愀然
眺廢墟家稱喬木
後業墜世臣餘
有鳥悲先壠無人
式舊閣溪毛深欲
薦落日轉愁子
過華峪故城

王時濟

秦晉分疆地周齊
割據年孤城千里
戍萬命一時捐
廢堞生秋草空林
起暮烟於今傳部
曲愁絕百升天

佛閣寺

王時濟

步入招提境捫蘿
上翠微樓高雲影
落林靜鳥聲稀

花雨譚今夢風旛看夕暉室中跏坐者空爾悟禪機
其二
王時濟

山寺擎天末攀藤跡更幽長風吹短幘落日隱層樓
貝葉聞僧語石町看鶴遊望中興不極欲去復夷猶

登佛閣

王時濟

高閣稜層入碧霄登臨此日喜僧招窻中雲度晴飛
雨檻外河流暮起潮禮罷香燈如見佛坐來鐘磬忽
聞韶他時免向廬山隱已卜青林遠市朝

晚登城南樓

王時濟

稷山縣志

卷之十

藝文詩

七

霽雨新登閣孤城澹晚烟疎林不礙日遠水故啣天
雁陣斜衝塞鷗羣半在田物情欣自適倚杖且盤旋

登城懷古

王時濟

孤城雄據自高梁目極雲空引望長水怒洶濤驚汨
沒山行遠勢辨微茫霸圖事往猶稱晉風俗年來不
似唐獨把一樽酬古昔九原何處思徬徨

弔鄭烈婦

縣令

劉一相

長山人

鸞馭西飛海上遊只今黯淡此荒邱白雲汾水清湘
墓明月姑山素影秋話舊梁空悲燕子觀風雪涕說

睢鳩千年芳烈粉榆在極目寒烟不可收

演武廳簡士因遊佛閣寺

縣令李希名 蘭陽人

振鐸東郊列控弦旌旗獵獵拂朝烟柳營簡銳知雄
畧蘭若尋幽了世緣飄緲琳宮分勝地莊嚴梵宇見
諸天孤鸞剩有雲霞賞林際憑虛憶昔賢

晚登稷山

縣令劉三錫 大興人

野寺鷄聲月隨風蕩客裾隴雲益耕犢山色入行輿
地勢旋螺古人家陶復餘我思還雅化寧使願成虛

雷題梁氏真隱園

劉三錫

稷山縣志

卷之十

藝文詩

十六

佳園名共遠今始快同遊袖挹金風爽杯搖樹色浮
新聲聞管籥舊業見箕裘愧我初衣末焉文尙此雷

觀葫蘆泉

劉三錫

攜杖觀流水清澄到客心發揮道自妙含蓄意俱深
色借山頭翠聲諧澗底琴微風動蘋末波色晃衣襟
遊梁蕙散莊

劉三錫

結亭何翼翼望望見橫墻水護臨城寺花開隔井塘
四圍多茂樹一逕入虛堂我欲時時往寧期沃酒觴

過西長寺

劉三錫

曠野原蕭索深冬倍寂寥老僧依廢寺病客度危橋
香絕蓮臺火鐘沉梵韻敲低徊不可住瞋色望中遙

高歡城

劉遂初

魏相旌麾夕未還郎公名節蓋人間盛朝文化無烽
火玉壁關頭月滿山

題梁靖孝葦川別墅二首

狀元朱之蕃

翛然塵外會天真不為名高厭世人兀坐蒲團渾了
了閒行竹徑摠由申

真隱園

為羨山家樂事悠無絃瑟鼓御虛舟只從中聖從吾

稷山縣志

卷之十

藝文詩

七

好縱有還丹也不求

行意堂

磬聲戛戛意閒閒靈韻鍾將泗水潺不是無心關世

慮孤雲只合寄青山

浮磬

國朝

寄贈張孝廉垣

大學士

田從典陽城人

聞道河汾老今如伏勝年便便富六籍濟濟衆三千
定抱龍門策同欽干木賢何時將命駕重問孝廉船

大善古栢

庠生

李毓秀絳州人

大善之名何自起大善之實何為是或問祖師西來

意乃云庭前栢樹子維栢森森鎮坤方拏雲濯霧蟠
峒裝陽春芳遜桃與李嚴冬姿傲雪共霜一本雙幹
屹相向高節崇兮浮雲抗不摧不改多坎壈敢言修
善不著相誰則取皮得其枝誰則取髓得其脂惟有
幽人能正性惟有君子能順時銅石根柯衆愛惜日
夕拜號色變易自是忠孝誠所感慎莫認作娑羅宅
可恨妄傳記洞冥桑枯海竭惑人聽又怪異說長笛
聲月盈伐枕驚木鳴君不見東魯孔氏廟二十四株
抱相肖君不見亳郡商家社六百餘祀秀諸野摠之
稷山縣志

卷之十

藝文詩

六

積善有餘慶不善豈能免百殃明性本善止至善枯
栢豫章成棟梁無善無惡心之體作用是性爲根柢
願得歲寒後彫人出將穢雜盡一洗栢兮栢兮傳皇
初周鼎夏璉並商瑚爲問佛門善知識祇樹較此今
何如

稷山義民尋弟詩

有序

大學士

陳廷敬

澤州人

稷山義民吳伯宗世爲農民父母早亡遺三孤
子伯宗長也字其兩釋弟稍長前後皆爲人所
掠賣伯宗行求之十年餘皆得之晉多孝弟力

田之夫其猶有唐堯虞舜之遺風也歟如伯宗者豈非其人歟顧題之義民云者以見風之被於民者今之風猶古之風也爲作稷山義民詩以告世之爲兄弟者

稷山有義民賢者諸孤兄時余在直廬聞之安溪公就公亟問焉吳姓名伯宗公語其大畧豁然開我胸退食訪此人延之於堂中冠帶肅賓禮答言何冲融謂此民本分誤達長者聰余曰子賢人寧與世人同十人九不見於子慶相逢發言初逡巡坐久言疏通

稷山縣志

卷之十

藝文詩

十九

十三喪父母遺下三孤兒大者伯宗是次者五週基小者才一歲呱矣聲最哀民則具口食力耕田蒺藜蒺藜拔復生慟愴中腸悲農夫常在野兩孤莫能隨三步一返顧五步一徘徊與孤同形氣戚戚繫所懷老死蓬茅下義不相睽離行歸自田閒小者忽如遺入門左右視上堂淚眼窺出門復入門不覺白日頽空房坐欲噫夜永荒鷄啼兒生不識父提抱今游嬉鄰里八九家聞言各嗟咨旦則輟耒耜暮則忘饑疲或言浮屠者告官請察治辭窮乃自伏果是浮屠爲

浮屠實賣兒買者知爲誰官亦不復詰浮屠去莫追
民願得我季焉能事羈縻辭官捨浮屠號咷於中達
四望蒼浪天天高意難知或在海之角或在天之涯
我生與我季生死相因依徒步自茲始惆悵於路岐
東西南北路此去是耶非蹙退却復往已過還更回
維南則之豫惟東則之齊又南則之楚北至於燕畿
自南以自北自東以徂西之秦又之蜀訖於西南陲
匍匐以問訊往往涕交頤行者競酸鼻居者乞哺糜
還家望林木草徑風淒其門閉防掠賊狗吠人踪稀

稷山縣志

卷之十

藝文詩

三

叩門慘顏色未入先歔歔詎知昨日前我仲亦被欺
此生不卽死面目何由施人生如樹木心傷披其枝
枝披女四體體毀心先摧生平不相見死日見有時
昭昭白日迴漠漠黃泉低陟高望二親正見墳纍纍
適有北客過說弟在京師蹶然奮翼起恨不速飛鷗
高家我恩人養弟同父慈去時年十二二十今有竒
又問我仲信寧古塔趨馳感高公厚德贈我以路資
行行別我季慘澹別轉遲仲返我疾足虎口騰險巖
是時天嚴寒足指兩交墮至則仲主家力拒無好詞

膏死赴轅門大將森鼓旗軍民皆恐慄無敢干以私
始猶肆捶楚流血紛漣湏既乃大感悟義士其識之
遂使還我弟萬里偕來歸予因李公言記事之細微
微公失此人傳聞恐參差表之曰義民實堪達者儀
不見吾唐風憂深有遠思孝弟萬善本勸善無刺規
世閒兄弟輩請觀杖杜詩人人有親長與世旋春熙
廢洞依稀石麓陰山靈招我一來尋泥橫殘篆碑猶
在門掩蒼崖鳥亂吟獻策緣知非釣主退耕何事已
稷山縣志

卷之十

藝文詩

三

違心浮沉千載誰能識房魏區區尚古今

題還竹軒

姚延啓

幾樹閒花幾竿竹何須千竝等候祿倩天出雲作幕
帶映水搖紋漾綺縠浮圖矗矗卽青山籜破欲飛偕
尺木凡卉詎敢並清貞周子蓮花陶令菊將來嶰種
大如椽三弄侑我青州麪書成仰面風前立但看龍
蛇爲起伏疎櫺月上影婆娑個個分明碎青玉春時
湘水夏雲濤秋伴霞光冬滕六眼見綠翠自成陰有
酒興來招不速鳴琴暇日自登高催起龍文千萬斛

與可當年爲愛君至今遺下篔簹谷燒笋爲蔬酌半
醒果然不用東坡肉漸漸琅玕透短墻畢竟風烟饒
雪屋勁節虛心誦有斐應笑殘膏與剩馥三杯雀舌
一爐烟瀟湘流盡霜毫禿但願棠花竹實豐萬戶謳
歌咸鼓腹

詠八景

畢際有

教稼神功克配天肇開姬籙頌綿綿烝民嗣歲隆禋
祀翠巘崢嶸好共傳

稷峯疊翠

長河浩浩日西流隄畔常橫一葉舟回首斜陽人問

稷山縣志

卷之十

藝文詩

三

度蒼霞白露報新秋

汾水孤舟

雨歇烟收望月華晴巒捧出半輪斜掌中應有金莖

露肯與詩人滌齒牙

仙掌擎月

洞裏閒雲日杳冥洞前流水草青青卽今墨瀋餘香

在還似當年續六經

文洞飛雲

一溪如帶遶城廻百卉爭春伴早梅自是陽和隨地

普不關春色歎栽培

甘泉春色

共道勳州戰蹟崇長河高壘咽西風昨來牧豎傳遺
事半鏃今猶出土中

玉壁秋風

石壁嶙峋倚紫霄，雨餘雲色鎖山腰。
輕風拂翠光如滴，疑有仙姝佩玉瑤。
姑射晴嵐

綠樹寒烟隱夕陽，堯臣元室斲如堂。
中天歷象垂今古，宜配明禋陟帝傍。
義陵晚照

喜雨四律

縣令 顧涑初 歸安人

阡陌浮陰綠離離，望澤深寒烟迴萬壑。
暝霧暗千林，樂酒仙成氣樊噓。
幻作黔甘霖三日，沛婦子動謳吟。
其二

久嗟天事困誰念，小民憐乍動鞍山鬣。
寧須石洞鞭，稷山縣志 卷之十 藝文詩 三
長河馳鼓浪遠岫掛鳴泉，千畝沾優渥欣歌大有年。

其三

雲漢頻勞嘆何時，石燕逢懲躬慚六事時。
雨慰三農片鬣飛朱馬，中方起赤龍野人忘帝力。
耕鑿水雲重

其四

遙空來爽氣，天意洽人情。夜月光離畢，長星曜隱庚。
瞻蒲堪勸穡，望杏樂敦耕。民鮮東人嘆，清時頌太平。

詠八景

顧涑初

翠鎖煙凝別一天，崢嶸廟貌爲誰傳。
只今粒食神功

遠擊鼓吹幽咏大田

稷峯疊翠

雨霽峰巒秀色開
鶯啼鶴舞好徘徊
當年綽約人何似
幾度携琴訪綠苔

姑射晴嵐

傳經絕業幾春秋
石洞松風一徑幽
高士已隨青艸

沒
交光時作白雲遊

文淵飛雲

何處仙人架玉盤
清輝握取碧雲端
山頭斗隱蟾光

遠
掌上空留金露寒

仙掌擎月

盈盈一水灌平沙
草樹芳菲爭翠華
何處春光不明

媚
東風先已遍溪花

甘泉春色

稷山縣志

卷之十

藝文詩

十四

玉壁城邊舊戰場
到今成敗一蒼涼
金風颯颯吟秋

壘
月冷雲迷草不霜

玉壁秋風

銀濤雪浪影青山
一葉中流時往還
最憶夜深人渡

後
滿盤風月水潺湲

汾水孤舟

千古人欽歷象功
蕭蕭陵廟小城東
晚來煙草迷離

處
鵲噪鴉飛落照紅

義陵晚照

癸丑春雪

顧涑初

峭寒乍透小樓高
一夜連雲散玉綃
穠杏輕勻瓊女面
垂楊嬌舞素娥腰
珠簾驚捲姑山近
翠幙新開稷

咄嗟瑞著豐年誰獻賦兔園旨酒醉春朝

登文昌閣

顧涑初

高閣登臨地羣峰入望齊奎光凌碧漢劍氣燭青霓
城郭樓前迴烟霞檻外低披香一瞻拜俯仰漫凝睇

題循卓集後

徵君吳雯

南州人

我師清韻古難儔學海傳今擁上游荆水曾空花發
浪銅峰練帶潔如秋民忙得渡慈津遠桃李成陰覆
露優勝績芳聲流不盡文章勲國兩相酬

詠八景

王震龍

稷山縣志

卷之十

藝文詩

五

功開稼穡古農官山以神名永不刊乃粒當年垂帝

典思文今尚寄煙巒

稷峯疊翠

東來汾水遶山城薄暮仙舟一葉輕疑是乘槎來海

上登仙徒有望洋情

汾水孤舟

有客當年續六經五雲片片護幽局續經人去今千

載尚有飛雲洞口停

文洞飛雲

何物仙人畱異踪掌痕擎出月溶溶千秋風雨剝不

盡疑對炎州五老峰

仙掌擎月

陽和大地本無偏此處獨分春色先疑是其中涵帝

澤凌冬煙草傍幽泉

甘泉春色

勲君昔此建高牙殺氣雲深慘暮茄故堞今應枯蔓

草秋深何事少霜花

玉壁秋風

藐姑昔已御風飛賸有精英寄翠微雨後迎曛光欲

滴令人千載想裳衣

姑射晴嵐

肇開歷象亮天工賓餞猶傳帝世功漫效揮戈西日

手至今遺跡夕陽中

義陵晚照

汾川秋望

郭為崍

猗氏人

竟日幽居木榻穿無端趁興到汾川雞心棗向溪邊

稷山縣志

卷之十

藝文詩

三

剝鷓首舟從水裡牽雀噪蟬鳴沙渚暗雲飛雨過晚

峯妍農人只愛田多稼誰遡思文績配天

遊嵐川寺

郭為崍

廿載奔馳素願違為尋惠遠叩禪扉半巖月照諸天

曙上界花開萬戶輝流水無心隨徑轉幡風有意帶

雲飛憑誰領取蒲團趣獨倚欄杆覽翠微

詠十景

縣令

張應辰

汝州人

稷峯疊翠

后稷躬耕地平林繡嶺端桑麻千頃古嵐翠一峯寒

義陵晚照

陵是羲和跡虬松半夕陽當年鞭日馭留照送輝光

文洞飛雲

授徒多國士經世有鴻文欲訪讀書洞空山禮白雲

玉壁秋風

樹幟遺雄壁霜飛柿葉紅夕陽殘壘上禾黍起西風

仙掌擎月

巨靈會劈岳指臂翠摩天索得明珠影飛來掌上圓

姑射晴嵐

稷山縣志

卷之十

藝文詩

三

仙在河汾曲爭傳姑射名雲端青黛色晴翠滿山城

甘泉春色

甘水雪霜暖留春歲月賒仙源如可到今古有桃花

汾水孤舟

秋風汾水上波與遠天開兩岸垂楊渡孤帆載月來

大善古柏

葉冷梵宮月幹撐姑射雲願留霜雪操同封漢將軍

懸崖濺玉

誰瀉玉玲瓏空山雨乍晴炎天飛雪色月夜滴琴聲

大佛寺

古刹翠微間禪林第一關客來幽鳥起雲去老僧閒
翠柏巖廊靜蒼苔碣字斑何妨重九過逸興更登山
汾上晚歸

暮景到林鴉歸鞭夕照斜斷水隨岸水寒雁聚汀沙
橋樹通村路樓船起浪花西連河曲水擬約上星槎
月夜赴絳州

日下海雲邊行人促馬鞭涼風生古樹素月出寒天
犬吠遙村雪鐘鳴晚寺烟絳城前路近燈火滿江船

稷山縣志

卷之十

藝文詩

三

早雪發太圖村

仲春氣候改冰霜近銷滅昨夜東風來草木皆欣悅
凌晨發北岡紆鬱過山缺堤樹籠寒雲隴麥鋪微雪
姑山白皚皚天地成皓潔朝霞漏日光曦影射巖穴
喜見桑麻潤青翠可攬結寂寞短亭柳絲柔未可折
幾時好歸來鶯啼杏花節

五龍宮

寂寞仙都避俗氛隔溪樵語半空聞厨通瀑水烟中
雨樓枕青山夢裡雲鋪影翠嵐供嘯傲幽香竹柏襲

清芬秋高擬上天門頂絳野河源四望分

汾水初漲萬艘齊至頗有江淮間意聊作短述
邑是澮汾流惡去河仍雍絳泛舟廻人牽錦纜排鴻
過舸湧雲帆陣馬來岸影澄空浮縣郭波光遠樹映
樓臺西歸會注龍門水助上星槎八月雷

廉將軍祠

在廉城村

遺城虎柝久無聞秦晉關河此地分爲是將軍征戍
地至今殘壘起寒雲

魚兒灣口占

稷山縣志

卷之十

藝文詩

无

逐日風塵道路間兩旬六度絳城還歸來却羨魚灣
水萬頃烟波一鷺閒

和王山長武逸園褚香谷半隱亭坐月元韻

桃李春風處翼然見此亭堦前芳草綠郭外遠山青
佳句鳴鏘玉高賢聚德星愧我勞鞅掌鈞奏喜會聽
兩月以來數赴絳城途中感作

驅馬古縣門東望廉城里我行何爲者奔走苦未已
悠然躍川魚宛在水中沚翻然投林鳥翔集忘所以
海濶天空際物情信適矣吾生何勞勞車馬風塵裏

村樹姑山雲樓船汾河水連月往復來數憇將軍壘

廉城里卽西飛逐日丸栖栖何曾止是時秋雲鋪豆

熟香稻美人家岩畔住柴門炊烟起行行至絳城樓

榭雲外指

赴嵐川寺山行途中

仙源深處有桑麻一桁晴嵐郭外斜澗水橫吞樵客

路嶺雲低度野人家黃蘆古渡飄寒雪紅葉西風亂

夕鴉記取藐姑山下景歸來猶帶古烟霞

立春後卽赴絳城途中作

稷山縣志

卷之十

藝文詩

三

飲罷椒花趁曙暉穿霞旭日上征衣蒼茫遠樹烟千

點寂寞寒山碧四圍凍解魚牀侵岸起舟衝雁陣入

雲飛從今始識東風面紅紫芳菲次第歸

清明日由南陽村赴縣

十載宦遊憶故園清明作客倍難論歸心和夢思鄉

壠返照隨人到縣門紅雨杏花岩畔寺綠風楊柳水

邊村前年此日襄陵道駐馬虹橋酒一罇

去歲赴關北清明日

過襄陵飛虹橋酒店有客路聊酬佳節好一壺村酒甕頭春句

春郊

吏舍何勞勞簡牘日相迫今晨北郭門愛此烟柳色
微雨過清明晴郊靄芳澤紅杏綠楊村白蝶黃菜陌
天然春明圖和風漾新麥姑射出片雲影似宦遊客
薄施潤物功悠揚林壑白到此塵慮輕蓬壺澹心迹
歸來已斜陽汾水遠天碧

赴絳州途中卽事

柳外桃開郭外家沿溪十里醉紅霞行人馬上匆匆
賞不負春風一度花

由絳赴稷途中

稷山縣志

卷之十

藝文詩

三

鞅掌風塵客歸心路共長錢飛榆圃老翠漾麥花香
隊甕添新雨江船載夕陽烟林投縣郭高在水雲鄉
早謁羲和祠遂赴嵐川寺驗水渠晚歸之作

早謁羲和霧露間林扉旭日到松關龍溪瀑下嵐川
水壺口雲生姑射山郭外撫民聊遣興輿中耽句是
偷閒晚歸經過蘆泉路殘雪荻花月一灣

新正十二日赴絳城途中遇雪作

同雲密布玉霏霏客踏瑤華一徑微曉霰寒銷冰署
酒輕霜暖避白狐衣嶺邨芳樹花爭發綺陌春風蝶

亂飛寄語新晴元夜月今年皎潔倍光輝

由鄆赴稷萬泉道中

發軔中條地遙林共鳥還客心爭赤日歸路指青山
馬踏雄籓壯人耕大野閒風塵慙俗吏又上白雲灣

登大佛閣

長空霽雨洗囂氛野外筵開眺夕曛寺瞰蘆溪沿壑
樹亭高姑射壓峰雲叱耕篋笠東西嶺抱日虹霓錦
繡文案牘稀緣麩麥熟一樽聊對樂南薰

乙亥麥秋公餘小吟

稷山縣志

卷之十

藝文詩

三

愧乏鴻才濟吏衙閒中事業轉堪誇蔭芳安置蜂王
國補棟添修燕子家盆養魚苗游荇影堦培書帶長
蘭芽編籬深護新栽竹引水閒澆舊種花倚樹讀書
觀鳥篆臨池學帖羨龍蛇時移小榻尋莊蝶自改前
詩點墨鴉問字濡毫酬稚子試勤闢地驗桑麻喜逢
麩麥人爭穫惟聆晨昏鼓報撾遣興層臺時一上城
頭姑射看飛霞

文中子讀書洞

張應辰

高人隱處鶻巢棲翠鑿巖屏碧落齊蠟屐身攀鞭日

馭振衣石踏上天梯

一徑直上
號梯崖

橋飛丹壑捫蘿渡壁

起白雲護洞低時際太平無策獻書臺峯頂看雷題

重陽擬登大佛寺有事未果途中漫吟

准擬重陽上邱樊平明出郭眺寒原秋郊已豁登高

眼佳節何勞招客樽碧草黃花山下路西風紅葉水

邊村歸來更步層臺上姑射千峯對縣門

再赴河津途中作

落葉西風剛未休殘陽驛路酒家樓此行辛苦還乘

興十日龍門兩渡遊

稷山縣志

卷之十

藝文詩

三三

文中子讀書洞

府經

張西崑

汝州人

客訪仙臺古揚鞭自在行雲山爭輔向花鳥解歌迎

綠野蟬鳴樹斜陽水抱城禹門西望近浩蕩遠波生

咏十景

舉人

王 墀

汝州人

盤紆涉危徑懸崖見水府細脉滴空潭清疑聽疎雨

便擬調素琴彈作響泉譜

懸崖滴水

大材解藏器大善無近名漢封豈不顯養晦全真精

會乘風雷作霖雨施蒼生

大善古栢

稷陵踞峯頂亘古成稷峯阡陌莽迴錯翠疊千萬重

惆悵教稼處隔林聞遠春

稷峯疊翠

姑射多奇峯繞郭韻清絕濕翠生晴嵐縹緲散林樾

仙洞深幾許皎若照冰雪

姑射晴嵐

太平策獻罷傳道息巖壑緬懷隋唐間不負平生學

洞雲流餘芳豈獨續經閣

文洞飛雲

不借巨靈擘天然標奇狀中天華月懸宛托仙掌上

盈盈一握間清影射千嶂

仙掌擎月

甘泉冬不涸溶溶春意暖細草縈淺流曲隨綠波轉

時見沙禽飛悠然芳情遠

甘泉春色

稷山縣志

卷之十

藝文詩

三四

秋風生玉壁颯颯隔汾曲百戰空齊師留此勲州躅

不見巖畔草霜天色猶綠

玉壁秋風

隔岸楊柳疎汾曲風露冷伊誰棹中流乘月翫清景

人聲寂不聞孤燈混帆影

汾水孤舟

鞭日升太虛懸車焉得駐尋陵仰中天疑有神靈聚

餘暉已西沉猶照祠前樹

義陵晚照

初冬偕友登大佛閣同賦

教諭

徐振基

陽曲人

飄颻葉聲寒天迥野色寬遣懷動游屐携伴登峯巒
峯巒迎面起尋勝端在此清涼隔塵氛蓬壺境差似

碣字壁上鐫古栢階前時禪房曲逕通步步勞翹企
紆迴臺榭中雕欄頻徙倚轉上絕巔攀層閣金身十
丈雲霞落古刹巍巍矗青霄爽籟清虛開岩壑迺空
漠漠點寒鴉蘆渚蕭蕭噪晴鵲一灣溪流抱村墟三
里人烟鎖城郭君不見九華之山山九峯生於霹靂
化於龍夢得一見驚魂魄勝地於今留芳蹤又不見
敬亭之山疑海嶠落日峯頭暉照曜一自章句動宣
城峻嶺崇岡屬謝眺今陟北頂望姑山崢嶸氣概接
仙關諸君濡毫增山色清詞高妙不可攀

稷山縣志

卷之十

藝文詩

三五

大善寺古栢行

甲戌五月便道遊大善寺見古栢奇偉流覽久之欲作詩爰天

少興不果廿六日雨後清涼賦古栢行以延爽工拙非所計也

乾坤瀕洞白日夕乘龍夭矯二千尺忽乘風雨謫九

天墮地森然爲老栢老栢屹立幾歲年見之令人動
心魄長留梵宇飽風霜笑兀離奇同社櫟豎不數丈
橫倍之慘裂蘚皮露鱗骼枝柯雙聳勢攬挈傾側吹
香蔭寒碧直疑呵護有鬼神遂爾斧斤逃匠伯秦岱
峰前蜀相祠徃徃並爲人愛惜何君倔強不受憐匿
跡自甘遁荒僻茫茫歲月過隙駒對此翻令感今昔

劫灰歷盡其天全無乃潔身蹈海之魯連不爾亦得
不死之藥如徐福靜閱虫虫笑蠻觸君不見秦時松
有五大夫載在史冊當非誣又不見漢武所封三將
軍得名當代爭傳聞嗚呼世間顯晦亦偶爾君其慎
無失所恃五陵裘馬幾馳騫掉頭安用邀一顧迄今
幸際

聖朝有道時承平萬物長育咸得遂其生召棠孔檜去
人遠惟君老去餘典型山樞隰榆皆儔侶耕夫牧豎
相逢迎我才遠遜杜陵叟尚能爲賦古柏行

稷山縣志

卷之十

藝文詩

三六

咏十景

碧巘嶙峋望不窮思文教稼溯神功峯巒巒絕頂叢祠
闢翠靄層層疊遠空

稷峯疊翠

雨後晴煙逗遠山嵐光滴翠聳螺鬟眉痕一抹皴濃
黛姑射英靈自往還

姑射晴嵐

獻策歸來夢亦清名山著作謝塵纓雲封石洞高風
古獨坐神龕對月明

文洞飛雲

蟾蜍光皎射山巔影落高峯別一天彷彿仙人擎巨
掌清霄朗澈淨雲煙

仙掌擎月

曲曲泉流枕郭斜，叢生幽草翠交加。
劇憐此地春常在，開遍村溪爛熳花。
甘泉春色

陡聽風笳憶建州，勳公戰績炳千秋。
烟寒月冷尋遺壘，絕少霜花到嶺頭。
玉壁秋風

遠堤楊柳紫汾水，隔岸煙雲籠渡頭。
月夜無人風鼓浪，片帆孤棹泛仙舟。
汾水孤舟

義陵古樹鬱青蒼，賓餞中天効贊襄。
何事高山迴日馭，祇今晚照滯斜陽。
義陵晚照

轉壑梯雲古洞深，懸崖蒼翠鎖秋陰。
兩泉濺地如霏稷，山縣志藝文詩三七

玉清韻琤琤響石琴
懸崖濺玉

歷盡風霜突地撐，稜稜老氣自縱橫。
捫苔挹秀菩提樹，籟響疑聞梵呪聲。
大善古柏

赴華峪看水渠郊行卽事
張應辰

一葉涼生虫語聞，怡情郭外豁器氛。
翠屏千笏飛紅日，秋稼連邨布綠雲。
烟月歸心懸汝穎，風塵事業付河汾。
星軺又上姑山頂，四野澄清萬象分。

咏八景
洲判白 秦清澗人

巖疆開闢自唐虞，百里山川入畫圖。
翠疊稷峯層嶂

台烟橫汾水片帆孤彩雲近護文中洞明月高懸掌
上珠地起夜臺留夕照天垂嵐氣隱仙姑甘泉瑞靄
春常滿玉壁風清草不枯人物而今猶百處半勤穉
事半爲儒

大善寺古栢

栢之古者甚罕觀予所見晉祠朝陽洞漢栢二
株及予邑狐大夫廟栢俱霜皮溜雨黛色參天
觀止矣而歷落奇崛令人震耀心目則大善寺
栢得從來所未有蓋古而兼怪者也稷景有八

稷山縣志

卷之十

藝文詩

三八

棄之如遺覽邑乘蒞斯土者與其賢士大夫題
咏亦絕少噫古難識矣怪又甚焉奇才俗眼白
千古一轍可慨也夫

教諭

武錫九

交城人

鑿拔何由逢眞識才老風塵罔不盡大善寺栢貴知
希節錯根盤獨挺特般若花飄法雨滋神工鬼斧恣
其力歷劫不磨霜雪深偃蹇而驕狀未得恍如米顛
袖中石皴透瘦砌成岐嶷又如天門鳳闕峩龍驤虎
臥變難測金身丈六現神通陸離光怪創心臆我來
至此久躊躇繞樹行吟氣轉塞從來才大難爲用况

兼天陰月黑雷火逼安得置此大厦支望爲神物千
秋式

秋日城樓望眺

官冷兼秋老登臨意境同天空高薄暮木落響寒風
髮白還悲禿詩工半藉窮歸來愁獨臥夢到卻湖東
九日登大佛閣步黃三橋韻兼呈周理賢并贈

別

無端秋老碧天高地接烟霞逸興豪冷入心脾白入
鬢時宜風雨節宜饒山空落木餘紅葉眼急蒼鷹側
稷山縣志

卷之十

藝文詩

三九

羽毛飲我醇醪消鄙吝一聲長嘯滿晴臯
感憤中來讀楚騷問天天遠更兼高途窮阮籍惟澆
酒命蹇劉郎不賦儵最是知心堪把臂非關隕涕醉
揮毫行旌欲動情無限頭白訂交許幾遭

孟夏偕褚香谷訪思文書院山長王麗堂半隱

亭對月之作

涼風習習疑秋令青燈呶唔愜幽性姑射乍開冰雪
天霏微玉屑斜花徑崆嶙崗美人萬頃波手持并剪裁
雲羅聲落九天發歌嘯臭蘭垂露嫣然笑月中仙桂

吹古香少微星冷吐寒芒誰瀉銀河直灌頂洗我多情九迴腸

別大善寺古栢

神閑節勁碧蘚文寂寞招提不逐羣萬古幽光誰識爾百年迂腐獨憐君風敲玉碎檐前馬雁叫聲殘日暮雲無限低徊何所思滿天花雨落紛紛

代古栢酬韻

蕭蕭風雨感斯文世外訂交別有羣飽盡烟霞心似石消磨歲月我如君塵緣已定三無戒老眼惟開萬壑雲最愛卦山龍臥樹枯枝苔鎖自繽紛

稷山縣志

卷之十

藝文詩

四

夏夜同武逸園訪王麗堂山長半隱亭坐月分

賦

訓導

褚齊亮

曲沃人

小隱隱山林大隱隱城市超乎二之間隱居誰與比

炎天地似蒸涼夜明如水偕步趁景光思文

書院

違尺

尺就中長嘯人疑是汝南許

山長汝州人

既見載言歡相

對一亭子云以半隱名畱題榻高士嘆息令尹賢流連風物美清我跡與心蔭茲桃與李舌本餘茶香談鋒屑玉齒神超塵囂外影浸冰壺裏閒散奚不平沉

淪乃得此城市而山林求志探妙理坐久寂無言君
眠吾去矣

初冬九日同王麗堂葫蘆泉閒步

未獲風穴遊

風穴爲汝州名勝

且尋清幽境行行出北門頓

覺塵慮屏木落大地寬天高平野靜姑山霧沉沉睡
意遙可領小憩麥隴邊猶似陽春景向人綠旖旎烟
痕未全冷迤邐蘆泉來寒流傍古井人家物外間居
者多不省森森叢栢林英英白雲影西顧陟崇岡豪
興亦何爽雖非層巒秀廓然涉遐想原濕汾水流霄

稷山縣志

卷之十

藝文詩

四一

漢浮圖上茫茫大化中無由亟蒼莽人生自踟躕字
宙本開廣感嘆昔遊人何必悲俛仰不見牧羊兒忘
機倍跌蕩

遊葫蘆泉歌

泉在稷山縣城北三里形如葫蘆
舊流入泮池今已久涸邑人以爲

文脉

所關

城北三里葫蘆水曾入泮池養龍子文浪芹枯鯉魚
飛雖有風雷震不起何以導之我心憂卜日聊同泉
上遊泉上草木足欣賞泉上形勝足勾留直北一帶
姑射近神人綽約何處問風鬟霧鬢飄渺間洞口桃

花餘紅暈迤邐以南平疇寬俯視城郭元氣含東西

廟陵相約束

東陵大佛閣
西陵泰山廟

葫蘆佳景何鬱然天既別

有泉更瑩元冥默司水衡柄盛衰循環三十年以時

考之今當王

相傳泉水三十年一
王今已三十餘年

泉兮泉兮其安流

既不願爾浮海走萬里亦不願爾上天霖九州但願

負之而趨藉有力流入泮池銷我愁驚飛文浪長悠

悠

稷峯疊翠

巖壑靄重重何時稷有峯名山揚偉烈疊翠表奇蹤

稷山縣志

卷之十

藝文詩

四二

天配蒼蒼色神傳漠漠容經今千萬載未許白雲封

姑射晴嵐

仙境傳姑射嵐晴見一斑翠屏橫北郭紅日笑春山

遠樹峯頭靜孤雲嶺上閒神人何處所綽約有無間

文洞飛雲

策罷公何損名稱氣亦舒杜房皆弟子山洞樂居諸

傳鉢經綸出從龍翰墨餘太平雖未報飛作五雲書

汾水孤舟

一葉藐夷猶孤標物外游斜陽汾水曲明月小船頭

柳岸行踪絕山鐘遠寺幽曉風殘夜裏疑是泛仙舟
玉壁秋風

偉著防齊略伊誰第一功關西真臥虎神武漫飛龍
勅勒悲歌壯汾川古蹟空餘威留玉壁凜凜盡秋風
仙掌擎月

如指詫天成仙峯落照明恰當山處缺宛在掌中擎
桂影和盤托神工特地精此時參妙諦萬里印清清
甘泉春色

景說山村好隆冬是小春分甘泉細細映碧草潏潏
潤以溫能借芳緣暖更新廣方無畝許羨煞踏青人
義陵晚照

晚照意如何義陵諒不訛中天迴日馭此地駐恩波
閨想餘時拗賓應餞處多舒長襄帝治萬古仰人和
懸厓滴水

過寺向東北迤邐上更奇半山行欲斷一木妙能支
洞古厓懸鐵珠圓露滴池隨人多少飲無滿亦無虧
大善古栢

君子貴居易如斯豈不然一從依大善隨分伴枯禪

蒼古難爲態神奇與共傳何須棟梁用始羨黛參天
頌張嵩樓明府清明南陽道上詩感賦一絕
杏滿花村草滿堤清明烟雨總淒淒鄉心欲寄汾河
水不向東流只向西

四月管村道上

風吹麥浪綠交加一曲河流抱路斜最是清和天氣
好濃陰滿地落楸花

遊黃龍洞

教諭張澍邑人

絕頂連霄漢憑高眼界明秋聲林外响野色望中平

稷山縣志

卷之十

藝文詩

四

泉向石間出人從鳥道行山僧堪共語趺坐話三生

遊佛峪

策杖尋山寺深山萬木秋峯連疑逕斷谷靜覺林幽
梵宇依雲結寒泉映月流塵勞何日盡長伴老僧遊

大善寺古栢

古栢奇如此亭亭繡佛前縱橫餘百尺上下幾千年
恠是蒼龍舞幽分白鶴眠後凋惟爾我方外結清緣

其二

舊到高渠寺披吟老栢前陰濃全蔽日世遠不知年

烏宿隨風撼僧歸伴月眠重來無限意煞那亦因緣
遊文中子洞

恩貢張育梅 邑人

爲慕先賢跡攀登疏屬山峯危樵徑斷林靜鳥聲閒
華岳斜陽外黃河指顧間扶筇逸興遠頻聽水潺潺
春雪喜作

徐振基 前見

春寒料峭雲模糊雪霏飄薄飛春初風號空際樹枝
響窻櫺撲灑聲嗚嗚去歲一冬苦燠若三白未見民
憂虞卻喜豐年今有兆清光潑潑如冰壺山城米價
亦云貴麥飯聊足供庖厨皓然冰署頗清絕閉門嘯

稷山縣志

卷之十

藝文詩

四十五

咏閒繙書於時三經稀客履寧嫌積素紛庭除乘興
不訪剡溪戴白戰試效眉山蘇更擬明晨覓畫手繪
作姑山雪霽圖

半隱亭月下侍坐

虞貢馬驥 邑人

十載亭心月今宵始覺圓一時開講席千里集名賢
佳蔭滋桃李新詩入簡編清談忘漏永此景願年年
秋日偕友登大佛閣

結伴同尋勝登樓眼界空穿林秋水白遶寺晚楓紅
鳥語通禪性鐘聲出梵宮歸來明月上閒話過橋東

思文書院爲諸生勵業

王 埤

前見

虛亭廣廈互迴環幽在嵩陽鹿洞間穿甃籬根來活水捲簾屋裏看青山流觀自愛三餘好折節難容半刻間囑語河汾桑梓地高風努力共追攀

大善古柏

托根淨域渺塵氛天矯竒姿迥不羣百鍊堅心超浩劫一團冷翠聚香雲山精夜黑形全匿雷鼓天陰響乍聞早識蒼官靈異在榮封肯讓漢將軍

葫蘆泉

稷山縣志

卷之十

藝文詩

四六

姑射峯前水蘆泉分外清靈源通晉峪細脉落山城棠蔭隨渠轉芹香逐浪生無邊明秀意延覽動遙情

半隱亭坐月

有序

嘉慶壬申五月十有七日外翰武逸園褚香谷同馬翼亭監院過訪敝齋維時皓月方升清風颯至欣逢佳客縉念良宵瀟騷蘿壁涼生杜老之衣嘹唳鶴聲響澈逋仙之耳亭名半隱饒有風情坐喜雙清允稱雅集竊願各吟佳句借畱永夕之歡諒亦頗稱高懷用抒風人之趣

勝事無前期客來月初上列坐環虛亭共挹金波爽
城市苦炎熱茲地頗幽敞露華明前楹清影動書幌
遂令軒冕客頓欲披鶴氅劇談揮夙抱高吟縱遐想
百年轉瞬間盈虧幾來往亭畔餘花落亭下新筍長
涼風鳴素琴超然脫塵鞅欲畱終夜歡漫聽漏聲響
玉璧懷古 張受祺 邑人

齊魏紛爭地霜天碧草生斷雲依廢壘夕鳥下荒城
勅勒當年恨秋風萬古情空餘汾曲水雷靄暮烟橫
眺汾

稷山縣志

卷之十 藝文詩

四七

汾流西瀉急雲樹正依依水氣澄秋寺波光淡夕暉
宿沙羣雁落載月片帆歸眺久蛩吟切漁燈隔岸微
秋日遊大佛寺 許作霖 邑人

崇山傑閣矗蒼穹勝日登臨眼界空半嶺斜陽明遠
樹滿溪落葉響秋風閒行看水依巖畔隨意尋詩到
竹叢更喜晚來歸路好蕭蕭蘆荻月明中

稷城古塔

武庠 武占鰲 汝郡人

寶塔峻嶒亘古牢登臨百里見秋毫凌霄作鎮橫汾
上疑是擎天玉柱高

稷峯疊翠

典史 文調鈞 江西人

古墓荒祠峙遠空一灣螺黛疊千重地因人重名偏著德並山高祀應隆畎畝勤勞資粒食黍禾蓬勃想遺踪年年社酒雞豚會為報當時教稼功

甘泉春色

山間風日最相宜為喜韶光正及時岸柳新嬌春色早叢花明媚夕陽遲酒帘茅屋村如畫芳樹晴雲景即詩慢道甘泉多淑氣也因 侯德不偏私

文洞飛雲

稷山縣志

卷之十

藝文詩

吳

洞口雲飛映遠岑隱居遺跡尚堪尋讀書自樂歸山志教授猶存捧日心泉石有情為伴侶煙霞無意結知音當年若用先生策未必瓊花入眼深

姑射晴嵐

崔巍叠嶂勢參天姑射佳名久矣傳排闥晴巒初雨後看雲野叟晚風前嶙峋秀出重霄外蒼翠嵐浮遠樹邊為愛山光時仰止此中應合有真仙

仙掌擎月

何年仙掌留真跡姑射神人是與非五指高撐分列

宿一輪遠照弄清輝
擎來玉腕披雲漢
捧出金奩掛翠微
長向九霄承雨露
掬風沐月任相揮

玉壁秋風

孤城據敵控汾流
玉壁猶存表壯猷
韋虎未全憑險阻
高歡空自費機謀
蕭條風色餘殘壘
黯淡雲容送晚秋
當日將軍功第一
酬庸還爲置勳州

義陵晚照

向晚高原夕影停
豈因祠墓式英靈
授時學究天人際
推閏功垂俎豆馨
古樹漫留殘照白
斜暉常映暮山青
羲和伯仲陶唐佐
千載神明在日星

稷山縣志

卷之十

藝文詩

四

汾水孤舟

繞郭汾流蕩漾西
扁舟如泛五陵溪
半高春水烟波濶
兩岸桃花村樹迷
遠浦翠凝帆影靜
孤篷人對月華低
櫓聲欸乃乘槎客
一棹輕移傍柳堤

赴鄉村查保甲晚歸作

張應辰

幾處窮簷起暮烟
閭閻撫後着歸鞭
陌頭人返溪村樹
波口燈明雪岸舡
思靖山城爲樂土
敢辭星駕到桑田
歸來鷄犬千家靜
北斗闌干月在天

由稷麓晚歸縣大風作

查保甲戶口

寒天赴南郊匆匆日將西暮色催還轅蒼然到林藪
歸路風益怒簸揚沙石走田家歇鞍馬茅簷一樽酒
犬吠村墟烟鴉盡堤岸柳大造鼓洪鑪中霄龍虎吼
莫再翻地軸誰為轉坤手
時隣封平陸解梁等處地震傷戶口甚衆人馬
縮如蝟蓬轉夜將久月明經汾河連檣聚浦口遠岸
一漁燈蕭蕭人渡後歸來呼郭門漏鼓報何有欲問
夜如何低昂看星斗

春日郊行

稷山縣志

卷之十

藝文詩

五

春回草弄芽郭外問桑麻雁陣低蘆岸魚床漲雪沙
耕耘山是縣撫綏國猶家節憶清明近林間羨哺鴉

廉頗祠

深謀固戰樹奇勲氣作干城控絳汾成壘殘陽畱趙
壁兵臺要路壓秦雲
祠南有練兵臺遺趾尚在負荆足見推忠度
拾鏃還從故老聞
澗東農人掘地得古魚鳥畏威連

牧寨

北隣十餘里有李牧古寨

雄風並祀李將軍

藝文撰著

古禹迹圖

石志在保真觀石橫二尺五為方七十一豎三尺為方八十一共方五千七百五十一每方折地百里志禹貢山川名古今州郡名山水地名刊刻極精今移砌關帝廟

唐

裴守貞撰

神岳封禪儀注十卷

稷山縣志

撰著目

裴耀卿撰

崔液集十卷

裴僑卿撰

微言注集十一卷

金

李愈撰

狂愚集

段克己段成己撰

二妙集

段成己撰

菊軒集

宗經撰

雲巖集

元

段思誠集

趙孟頫書赤壁賦帖

明

段密撰

稷山縣志

撰著目

衡齋集

王鏊撰

震澤長語

王無逸刻

三事錄

史瑛撰

敬事錄

一得錄

就正錄

梁紀撰

樗櫟子山居稿

梁格撰

窺易集

真隱圖稿

定齋存稿

四書古義補

梁綱撰

帝王禪繼錄

河汾二夫子粹言

高梁生集十三種二百一十卷

梁維撰

三桂堂集

六子抄

稷山縣志

撰著目

三

史編類抄

王時濟撰

龍塢集

梁蕙撰

六種吟

夢遊記

散莊集

任佐撰

汾野詩集

書窓翼言

四書辨異

任憲撰

薛文清公行實錄

四書說意

龍鍾草

求心錄

禮注補遺

兩齋範略

蒙求小補

繹古繁言

藝林正體

禮俗明微

姚綬撰

金山樵隱集

高暄撰

稷山縣志

汾崖集六卷

易經朱註刪補

高世昌撰

林泉逸業

梁拱撰

辨惑二論

張垣撰

四書詳說

更小亭詩

王震龍撰

綠筠軒詩集

撰著目

四

寧時文撰

海疆政畧

藏雪齋詩集

解承先撰

求心錄

欲燬集

何星文撰

巴人詩草

張澍撰

四書補要

慶雲亭詩集

讀史類抄

昭餘錄

稷山縣志

撰著目

五

重修稷山縣志後序

蓋聞獐疑不如徵獐而酌古尤
資準令

元朝咨輜疇之紀載

上憲采志乘出典文延集從事
罔敢後時凡在惠司奉行尤謹
高柔教稼穡地井疆頗号與區

邑宰文章鉅公燈牋輒形吟咏
謂志以徵事務期光大乎前代
搜邑爽全書何取信於來春
事願

國典徹在心跡亟帛旁采獲編漸
次重加新訂數十季考證雖艱
千百幣折惠昇取侯特率先摹

稿志爰具首良規馬班之巨筆
揚芳節目同宏罔凱兼善游夏
之式辭莫贊衮章與鈇鉞而並
旋顧尚謙虛用頒儀幣俯謀增
輯弗棄菲葑辭謝不蒙俞何有
式長之益拚躬寔喪當聊效式
得此愚緒閱校庶躄躄審顧有

咎所未脩剔旁蒐于斷簡筵編
若令所宜艱憂博徵于輿言稗
乘微厥顯闡厥幽何容味式代
之直刻其夸存其寔固知非式
必出私冀茲數更積晨耀暮燈
甬鑿別丹鉛既就祈清靄紫電
以斧裁謹序

嘉慶乙亥菊秋稷山縣儒學教諭陽直涂振基拜題



